

48
● 上海古籍出版社

繪圖三教源流搜神大全（外二種）

繪圖三教源流搜神大全(外二種)

上海古籍出版社出版

(上海瑞金二路272號)

新華書店 上海發行所發行 上海市印刷七廠印刷

開本850×1168 1/32 印張20.25 插頁4

1990年6月第1版 1990年6月第1次印刷

印數:0001—5000

ISBN 7 - 5325 - 803 - X

K · 89 定價: 11.35 元

三教源流
大神全

徐崇立署

巳酉春仲
郎園校刊

重刊繪圖三教源流搜神大全序

曩閱毛晉汲古閣宋元祕本書目子部類載有元板畫像搜神廣記前後集二本云凡三教聖賢及世奉眾神皆有畫像各考其姓名字號爵里及封贈謚號甚詳亦奇書也但毛書售之潘稼堂太史後展轉散佚近三百年其書有無傳本不可得而知也已丑過夏都門忽從廠肆見之圖極精神字體塙為元時舊刻以議值未就越日遂不可踪跡悵恨久之然當時雖匆匆一閱其全書體式固至今在胸臆也乙巳與秀水金閣伯太守蓉鏡訂交長沙文酒過從縱談古今可喜可愕不傳之書以此屈一指太守為余言昔官京曹時亦曾見之于廠肆後知為上海姚子梁觀察文棟購去子梁之弟名文柎與余同鄉舉丙申余與子梁同居京師宣武城南北半截胡同比隣相近子梁尚無此書迄今十餘年久不通音問雖欲取證徒付夢想已耳丁未七月作客武昌時江陰繆太夫子小珊先生共事存古誨席因論異書祕籍湮沒無傳者間及是書先生言藏有明刻繪圖本三教源流搜神大全七卷即元板畫像搜神廣記之異名書中圖像與元本

無甚差異因約他日相借影寫刊行別後余歸長沙先生返金陵冬間郵
寄來湘亟取展讀如逢故人如還失物憶往時所見元本誠如先生所云
惟明刻增入洪武以下封號及附刻神廟楹聯知為坊估所襍竄然于聖
宋皇元字擡寫多仍其舊蓋雖明人重刻猶可推見元本真面也余因督
工寫刊於字之顯然訛繆者悉依文義校改圖像則一再細勘無累黍之
失是書之復顯於世真大幸矣至諸神履貫事蹟大都雜取小說及二氏
之書其文不見於史乘亦不可據為典要特六七百年民間風俗相沿之
故古昔聖王神道設教牖民為善之心是固考古者所當知也後有採風
之君子其將以斯載之輶軒也夫宣統元年春王正月人日葉德輝序



儒氏源流

至聖文宣王魯曲阜昌平鄉闕里其先宋人也大聖曾大父曰孔防叔避
宋華督之難徙居于魯生伯夏伯夏生叔梁紇長子曰孟皮字伯尼有疾
不任繼嗣次子則先聖是也魯襄公二十一年冬十一月庚子日乃先聖
誕生之日有二龍繞室五老降庭五老者五星之精也母顏氏之房聞奏
鈞天之樂空中有聲云感生聖子故降以和樂笙鏞之音故先聖之生大
非凡同而質甚異而首秀圩頂故因名丘字仲尼史記孔子生而叔梁紇
沒乃葬於防山孔子為兒之時嬉戲常以師陳俎豆設禮先聖身長九尺
腰闊十圍凡四十九表胸有文曰制作定世之符友首注面月角日準坐
如龍蹲立如鳳峙望之如仆就之如昇耳垂珠庭龜脊龍形虎掌駢脇參
膺河目海口山臍林背翼臂斗唇注頭龍鼻腴堤眉地足谷竅雷聲澤
腹昌頰均頤輔喉駢齒眉有一十二彩目有六十四理其頭似堯其頰似
舜其項類臯陶其有類子產自腰以下不及禹三寸有大聖之德學極天

人道窮秘奧龜龍銜負之書七政五緯之事抱犧黃帝之能堯舜周公之
美魯定公以先聖為中都宰一年四方諸侯皆則焉九年始為邑宰十年
為司空十一年為司徒攝行相事十四年誅魯大夫亂政者少正卯與聞
國政三月粥豚羔者弗飾賈男女行者別於道塗不拾遺四方之客至乎
邑者不求有司皆予之以歸而大聖雖道高德廣生而知之亦學琴于師
襄學禮于老聃時去魯四十年魯哀公十一年先聖自衛反魯刪詩書定
禮樂成六藝晚而喜易讀之緯編三絕為之彖象文言繫辭以發其秘告
弟子於洙泗北門七徒三千傳徒六萬賢有七十二人昔者先聖未生時
有麟吐玉書於闕里其文名曰水精子繼周衰而素王顏氏異之以續綾
繫麟角信宿而麟去至哀公十四年西狩太野叔孫氏車子鋤商獲獸以
為不祥先聖視之曰麟也胡為來哉反袂拭面泣涕沾衿叔孫聞之然後
取之而繫角之綾尚存先聖曰吾道窮矣乃因魯史而作春秋文加褒貶
而修中興之告麟見而天告先聖之亡徵也先聖病夢坐兩楹之間子貢
請見曰子方負杖逍遙於門曰賜汝何來晚也先聖因嘆曰太山頽乎梁

木壞乎哲人萎乎因以涕下子貢曰天下無道久矣莫能宗予后七日不起
年七十三以魯哀公十六年夏四月己丑葬於魯城北哀公十七年立廟
於舊宅守陵廟百戶弟子皆服心喪三年畢相訣而去則哭各盡哀或復
晉唯子貢廬於塚者六年然後去弟子於廟藏先聖衣冠琴瑟車書弟子
及魯人往從塚而家百有餘室因命曰孔里魯世世相傳歲時奉祠於塚
子孫世襲不絕後

高皇過魯以大牢祀孔子有詩贊曰

稷也廟庭

聖德斯尊

肅也衣冠

聖澤斯存

漢祖崇儒

躬拜闕里

太牢之祀

百代伊始

聖朝崇奉追封尊號

聖室鄆國夫人

大成至聖文宣王

聖父封齊國公

聖母封魯國太夫人



釋氏源流

釋迦牟尼佛姓刹利父淨飯天母清淨妙位登補處生兜率天上名曰勝善天人亦名護明大士度諸天眾說補處行亦於十方界中現身說法普耀經云佛初生刹利王家放大智光明照十方世界地湧金蓮華自然捧變足東西及南北各行於七步分手指天地作獅子吼聲上下及四維無能尊我者即周昭王二十四年甲寅歲四月八日也至四十二年二月八日年十九欲求出家而自念言當復何遇即於四門遊觀見四等事心有悲喜而作思惟此老病死終可厭離於是夜子時有一天人名曰淨居於牕牖中叉手白太子言出家時至可去矣太子聞已心生歡喜即逾城而去於檀特山中脩道始於阿藍迦藍處三年學不用處定知非便捨後至罽頭藍佛處三年學非非想定知非亦捨又至象頭山同諸外道日食麻麥經於十六年故經云以無心意無受行而悉摧伏諸外道先歷試和法示諸方便發諸異見令至菩提故普集經云菩薩於二月八日明星出時

成佛號天人師時年三十矣即穆王三年癸未歲也既而於鹿野苑中為
憍陳如等五人轉四諦法輪而論道果說法住世四十九年後告弟子摩
訶迦葉吾以清淨法服涅槃妙心實相無相微妙正法將付於汝汝當護
持并勅阿難副貳傳化無令斷絕而說偈言

法本法無法

無法法亦法

今付無法時

法法何曾法

爾時世尊說此偈已復告摩訶迦葉吾將金綵贈伽黎衣傳付於汝轉授
補處至慈世佛出世勿令朽壞摩訶迦葉聞偈頭面禮足曰善哉善哉我
當依勅恭順佛故爾時世尊至拘尸那城告諸大眾吾今皆痛欲入涅槃
即往熙連河側娑羅雙樹下右脇累足泊然圓寂復從棺起為毋說法持
示双足化婆耆并說無常偈曰

諸行無常

是生滅法

生滅滅已

寂滅為樂

時諸弟子即以香薪競茶毗之燼後金棺如故爾時大眾即於佛前以偈

三教云卷七

一

四

讚曰

凡俗諸猛熾

何能致火爇

請尊三昧火

閻羅金色身

爾時金棺從坐而牽高七娑羅樹往及空中化火三昧須臾成生得舍利
八斛四斗即穆王五十二年壬辰歲二月十五日也自世尊滅後一千一
十七年教至中夏即後漢明帝夜夢金人身長大項有日月光以問群臣
或曰西方有神其名曰佛陛下所夢得無是乎於是遣使往天竺問其道
得其書及沙門以來沙門云佛長一丈六尺黃金色項中佩日月光變化
無窮無所不故能通萬物而大濟群生云



道教源流

金闕玄元太上老君聖紀按洞玄靈寶元始上帝真教元符經道君告皇
帝曰昔天地未分陰陽未判濛濛洪查冥漠溱大梵寥廓無光結空自然中
有百千萬重正氣而化生妙無聖君歷尊號曰妙無上帝自然元始天尊
一號天寶丈人經九億九萬九千九百九十億萬劫次結百千萬重正氣
而化生妙有聖君自稱妙有大帝虛皇玉晨大道君一號靈寶丈人經八
億八千八百八十億劫次結百千萬重道氣化生混沌聖君紀號至真大
帝萬變混沌玄元老君一號神寶丈人老君雖累世化身而未誕生之也
迨商第十八王陽甲時分神化氣寄胎於玄妙玉女八十年暨第二十
二王武丁庚辰歲二月十五日卯時誕於楚之苦縣瀨鄉曲仁里姓李名
耳字伯陽謚曰聃著道德二經旨又按老君聖紀經太上老君居太清境
乃元氣之祖宗天地之根本於至寂至虛之內大初太始之先惟數御運
布氣融精開化天地所歷成壞一儀不可量計其化身周遍塵沙世界亦

非筭數紀極開闢之後觀世代之澆淳隨時立教代為帝師建立法度或流九天或傳四海自三王而下歷代帝王咸宗奉焉是知天上天下道氣之內皆老君之化也垂億萬之法無不濟度蓋百姓日用而不知也老子曰吾乃生乎無形之先起於太初之前行乎大素之元立於太渺之端浮游幽虛之中出入杳冥之門故葛玄序道德經云老子體自然而然生乎太無之先起乎無因之初經歷天地始終不可稱載又云世人謂老子降於殷代老子之號始於無數劫甚杳杳冥冥渺邈久遠矣開闢已前復下為帝師代代不絕人莫能知之按老子傳記自開闢之前下至殷湯代代為王者師皆化身降世當殷湯甲午十七年庚申始示誕生之跡自太清當道境乘太陽日精化五色玄黃大如彈丸時玉女晝寢流入口中吞之有孕懷八十一歲至武丁九年庚辰剖玉女左腋而生生而白首號曰老子生於李樹之下指樹曰此吾姓也自殷武丁九年庚辰下至秦昭王九年西昇崑崙計九百九十六年矣

按李石續博物志云唐高祖武德三年晉州人吉善行於羊角山見白衣